

**KONTROLLUTVALET I  
STRANDA KOMMUNE**

**MØTEBOK**

Møtedato 15.03. 2011 kl. 16.05  
Møtestad: Øynasenteret, Høgda

Møtet vart leia av: Inge Gjærde

Elles til stades: Per Berge, Arne Olav Stavsen, Kari Johansen og Magnar Furset  
= 5 voterande

Hildegunn Brune hadde meldt forfall. Magnar Furset møtte i staden

Frå kontrollutvalsekretariatet møtte:

Dagleg leiar Harald Rogne

Frå kommunerevisjonen møtte:

Dagleg leiar Kjetil Bjørnsen

Frå Stranda Kommune møtte rådmann Ann Kristin Langeland og økonomisjef Lars Birger Stige.

Det kom ikkje fram merknader til innkalling eller sakliste.

**SAK 07/11  
GODKJENNING AV MØTEBOK FRÅ MØTE 22. FEBRUAR 2011**

**Kontrollutvalet sitt samrøystes vedtak:**

Møtebok frå møte 22. februar 2011 blir godkjent.

**SAK 03/11  
UTSETT SAK - OPPFØLGING AV TIDLEGARE BEHANDLA RAPPORTAR GJELDANDE  
FORVALTNINGSREVISJON OG SELSKAPSKONTROLL**

Saksutgreiing frå kontrollutvalsekretariatet datert 15.02.2011

Av orienteringa gjekk det fram at oppfølging av VAR – området blir behandla i kommunestyret 30.03.2011. Selskapskontroll har det ikkje blitt oppfølging av, men det blir teke sikte på å ajourføre eigarskapsmeldingane med det første. Når det gjeld rapportane om lånegjelda, er desse relativt nye, men økonomiplan og budsjett har blitt påverka av det som kom fram i desse.

**Kontrollutvalet sitt samrøystes vedtak:**

Kontrollutvalet har saka til observasjon.

**SAK 05/11**

**UTSETT SAK - KONTROLLRAPPORT VEDKOMANDE  
SKATTEOPPKREVJARFUNKSJONEN I STRANDA KOMMUNE.**

Saksutgreiing frå kontrollutvalsekretariatet datert 07.03.2011.

**Kontrollutvalet sitt samrøystes vedtak:**

Kontrollutvalet tek kontrollrapport vedkomande skatteoppkrevjarfunksjonen i Stranda kommune datert 11.02.2011 frå Skatteetaten til orientering..

**SAK 08/11**

**FORSLAG TIL REGLEMENT FOR HØYRINGAR I KONTROLLUTVALET MED  
RETNINGSLINER**

Saksutgreiing frå kontrollutvalsekretariatet datert 07.03.2011  
Saka medfører endring av reglement for Stranda kontrollutval.

**Kontrollutvalet innstiller overfor kommunestyret med 4 mot 1 stemme:**

Nytt punkt 2,5 i reglementet for Stranda kontrollutval lyder slik:

**Opne/lukka møte**

Kontrollutvalet sine møte skal haldast for opne dører. I dei tilfella utvalet skal behandle opplysningar som er underlagt teieplikt eller det ut i frå andre saklege omsyn er nødvendig, skal møtet lukkast.

Kontrollutvalet kan ha opne eller lukka høyringar. Kontrollutvalet kan pålegge alle tilsette å forklare seg munnleg i ei lukka høyring. I ei open høyring er dette frivillig. Kontrollutvalet kan kalle inn/invitere folkevalde og eksterne til høyringar. Desse har ikkje møteplikt verken i opne eller lukka høyringar. Høyringar er ikkje ein del av møtet. Som hovudregel skal kontrollutvalet gå via rådmannen ved innkalling av underordna personell.

Kontrollutvalget fastset sjølv retningslinjer for høyringar. Utkast til desse retningslinene blir oversendt kommunestyret til orientering

Inge Gjærde  
leiar  
(sign.)

Arne Ola Stavseng  
medlem  
(sign.)

Per Berge  
medlem  
(sign.)

Kari Johansen  
medlem  
(sign.)

Magnar Furset  
varamedlem  
(sign.)